

Provedba imovinskih zakona od januara 2001. godine

Agencije koje rade na provedbi imovinskih zakona (PLIP) najavljaju da je od avgusta 2001. godine ukupna provedba imovinskih zakona u Bosni i Hercegovini porasla na 32%: što je porast procentne stope za 2 poena u odnosu na kraj jula. Sveukupno gledano, na teritoriji cijele zemlje došlo je do porasta procentne stope za skoro 11 poena od početka 2001. godine. U Federaciji je riješeno 42% zahtjeva za povrat imovine; u Republici Srpskoj riješeno je 22% zahtjeva, a u Distriktu Brčko 27 %.

Drugim riječima, od januara 2001. godine, stopa provedbe imovinskih zakona u RS porasla je za 9 %, dok je stopa provedbe i u Federaciji i Brčko Distriktu porasla za 13%. Nažalost, ove stope nisu dovoljne da bi se proces povrata imovine okončao u razumnom vremenskom roku. Iz tog razloga, međunarodna zajednica i nadležni lokalni organi u oba entiteta trenutno razmatraju donošenje nekoliko novih amandmana na imovinske zakone. Mnoge izmjene će se odnositi na dalja ograničenja prava na alternativni smještaj, tako da će samo najugroženije kategorije imati pravo na alternativni smještaj. Druge izmjene će se odnositi na pitanje razmjene imovine. Ove promjene, pored velikih napora koje lokalnih organa na njihovoj provedbi, podići će stope provedbe na prihvatljiviji nivo. Prema tome, mi očekujemo da će se postići sporazum o ovim amandmanima i da će u skoroj budućnosti biti uvedene potrebne izmjene.